

Mutu SPM akan dibaiki lagi —Mahathir

B.M. 15 SEP 1974

KUALA KANGSAR, Sabtu.

KEMENTERIAN Pelajaran sedang mengambil berbagai langkah untuk memperbaiki lagi keputusan peperiksaan SPM supaya setanding dengan keputusan MCE.

Menteri Pelajaran, **Dr. Mahathir Mohamad** berkata di sini hari ini, masalah itu perlu diperbaiki secepat mungkin untuk menjamin murid-murid SPM terus maju ke tingkatan enam dan seterusnya ke pusat-pusat pengajian tinggi.

"Saya sendiri akan memberi perhatian yang khusus terhadap kelemahan ini yang kita mesti baiki dalam masa yang singkat," tegasnya di Pembukaan Hari Jubli Perak Sekolah Menengah Raja Perempuan Kalthom di sini.

Katanya: "Saya memandang berat terhadap keputusan peperiksaan SPM, dan kementerian saya sedang berusaha untuk mengatasi masalah ini.

"Jika kita tidak dapat mengatasi masalah ini, murid-murid dari kelas SPM akan mendapat kerugian yang besar dan menghalang mereka untuk melanjutkan pelajaran hingga ke tingkat universiti," tambah **Dr. Mahathir**.

kepada semua murid perempuan di sekolah-sekolah menengah. **Dr. Mahathir** menasihatkan mereka jangan cuba mengeneapkan pelajaran sains rumahtangga, tetapi mementingkan mata pelajaran lain.

Susunan

Bellau berpendapat sains rumahtangga boleh menolong murid-murid perempuan menjadi suri rumahtangga dan ibu yang bertanggungjawab setelah mereka bersuami kelak.

Dr. Mahathir berkata, tanggungjawab kepada susunan dan kebersihan rumah serta anak-anak perlu disemai sejak di sekolah lagi secara herperingkat-peringkat sesuai dengan umur murid.

Berucap di upacara Hari Ucapan dan penyampalan hadiah di Sekolah Jenis Kebangsaan Clifford pula, **Dr.**



DR. MAHATHIR

Mahathir memberitahu mulai tahun depan semua sekolah rendah jenis kebangsaan Inggeris akan menjadi sekolah rendah kebangsaan sepenuhnya.

Mulai tahun depan, semua matapelajaran kecuali bahasa Inggeris akan diajar dalam Bahasa Malaysia sahaja dan kelas peralihan Inggeris dibatalkan.

Menurutnya, pada tahun depan hanya kelas peralihan Bahasa Malaysia akan diadakan untuk murid-murid dari sekolah jenis kebangsaan China dan Tamil.

Dr. Mahathir berkata, mulai tahun 1976 pula, semua tingkatan satu di sekolah-sekolah menengah Kerajaan akan diajar dalam Bahasa Malaysia.

M a n a k a l a pada tahun 1983, semua matapelajaran dalam tahun pertama di universiti tempatan akan diajar dalam Bahasa Malaysia juga.

Bellau mensifatkan perubahan - perubahan itu selaras dengan usaha melaksanakan Dasar Pelajaran Kebangsaan.